

四庫全書

集部

欽定四庫全書

衡廬精舍藏稿卷五

明 胡直 撰

五言律詩

重別日表

岸葉從窻入繁陰篆客衣白烟浮渚澗青草覆鷗肥
邗水分舟去豐江帶劍歸神京瞻尚邇絲處是黃扉

下第留南京寄懷莊少府座主二首

仙謬南華胄虬髯白玉姿珠從閩海貢駿逐帝京馳
侗明時忤幽憂澤國羈懸知宣室問早晚詔彤墀

二

苑樹青無極壇雲紫欲流清時悲楚璧逆旅看吳鉤
四海身浮梗千山客上樓問奇還載酒惆悵理南舟

自城歸村中舊廬

舊屋轉蕭然移家驚四年窻流蛛網月棟抱燕泥烟
入座雲長濕穿樓樹欲聯年來塵土跡暫得浣林泉

立秋夜月

乍報秋回馭隨看月送涼花迎蓬隙照犬戲巷中光映
樹山排畫侵荷水弄粧黃雞將白酒定醉野人觴

江村步月

言從琪樹裏步出碧江灣佳景哉生月流光蕩若環相
逢人出洞為問客還山忽有香風至岩芳擬共攀

歐陽文朝載酒同訪康東沔先生龍洲園居和作
載酒尋陶令欣逢在綺園入門雞作鬪報客雀能言鴈

影流綳帙梅花落錦尊賓游非梓澤風物擬桃源

龍洲讀書

窈窕繁花路高虛野甸居漸為逃世客懶答貴人書水閣依鷗鳥塵編養蠹魚日尋垂釣侶長在月明初

乘醉同康東沔訪王武陽草堂共賦

已醉烟花野還尋水竹居路迷隨老圃林敞散幽裾濕霧藤交座銜花鳥窺書主人耽野逸對客采畦蔬

余少同歐陽文朝王尚涵讀書茶山今丙午復同

文朝修業龍洲相去已十又三年矣感賦為贈
結髮同鉛槧羈棲各壯身艸堂猶我共布褐轉情親山
水依書案鶯花亂葛巾所欣無結駟班坐看江春

文朝省試二首

家世文章伯藏書蚤遍窺崑丘珠樹馥天路石麟奇豹
隱休多戀龍驤看在此傷痍南國盡何策獻明時

二

金川憐去棹玉峽嘆垂繻地濶山攢楚天長水漾吳笑

落秋日麗鵬鶚曉霜孤暫去題鄉籍春能獻廟謨

徙宅四首

余舊家邑北螺溪以先廬圯甚歲壬寅移住城西厭
其市喧丙午秋改徙僻巷其傍便地可圃勃焉有抱
甕之興康明府以書譏予方繫于世用不得遂所願
因作詩解之并識其事

徙宅何頻數逃喧宜擇安名山遲結社僻地當開壇破
屋藏雲細顏垣放月寬柴門傾側慣日暮省關閑

二

浩蕩隨塵世支離信所居人生俱逆旅天地乃吾廬
喜趁三家市移來萬卷書曾無儋石橐負載得輕虛

三

尤喜兼為圃攜鋤豈帶經看成蔣詡選錯喚子雲亭紺
橘淹霜脆紅葵抱日馨明府休移勒白首漢陰銘

四

家本江村住千重水樹幽花飾橋路月萍漾柳塘鷗舫
舫

姥丹臺舊槎灘禾黍秋年來塵市開轉徙憶初遊

觀山寺四首

寂寞古琳宮綠山一徑通
翛然吾喪我況復水澄空
開組青蕪石留僧綠樹叢
綸巾依谷口人笑是愚公

二

留醉空王殿提壺更石門
山深天亦迴巖古佛長尊
曲澗浮觴慢幽花襯席繁
高歌出洞口涼月在江村

三

頗識浮生幻幽尋不記蹤地同離垢國人在妙高峯雲
起移前嶂谷虛答暮鐘過臨泉穴坐清詠起蟠龍

四

長思靜者居此地即吾廬榻寄青龍藏經橫白鹿車漁
歌聞欸乃僧酒濯醍醐去住成泡影軒裳意轉疎

擬遊匡廬

豈不待婚嫁吾歸吾奈何世情先老絕遊興傍秋多五
老鞭龍到三江摘葉過雲空從直上濯足於銀河

丁未秋盡往廬山未果因留石蓮洞

未果巖泉卧非關嫁娶遲出門已解纜息轡滯尋師錦
澗望中適天池夢裡追寄言雲外侶春共采金芝

住石蓮洞贈念菴先生四首

石洞何寥廓石蓮朶更奇竅從天地鑿花是鬼神為山
曲藏蘭若雲深見肉芝種田真避世漁父尚無知

二

神仙留秘室今古待高賢到此真非世開門別有天人

同谷口卧景即輞川妍七日叨觀局人間不記年

三

青蓮居士宅黃石老人書久已從吾好翛然應物虛澹
雲空色相脩竹見真如凡骨叅靈境蕭疎自喪吾

四

山圻奇無盡更疑琪樹層穿籬鹿豕慣爭席野人曾高
落山巔水曲垂石竇藤逃名猶未已住屋混禪僧

石蓮後洞轉尋又一小洞二首

不覺窺明見先從踏暗來忽然闢混沌那復有塵埃高
竇容天入重關付月開未須嫌閑寂作伴翠莓苔

二

一洞復一洞幽絕到無誰鹿女尋難至猿公望不知玉
書應鳥篆丹竈自神泥薄暮仙人返披霞得共窺

坐林中

巖居一事稀移屨過林圍荒舍無沽酒隆寒未換衣坐
深樟子落意靜鳥聲微真有丘中况隨方得所歸

同歐陽曰橋遊通天岩

流光悲過客幽意托名山相與攜僧往悠然並鳥還層
巔天共語曲洞石為關夢裏聞鐘磬泠泠非世間

過茶山覽亡友羅日表壁間題字追思曩昔愴然
濕襟因識二首

吾少談經地羅舍後亦來人今餘故蹟世早失高才門
戶留妻女文章落草萊當時開萬卷莫是玉樓催

二

夫君何處往遺墨使心疑想像行花逕依稀弄酒卮雖
言長死別只憶是生離寂寞寒松影空依壁上詩

和答興化顧秀才

坐挹凌雲氣留傾卷霧談囊開千首賦宅傍百花潭攬
轡瞻天北飛纓滯斗南見愁胡馬闊語罷淚猶含

輓李光祿祖母

令德天孫降徽音澤國傾將鵷威鳳列奕世石麟生象
服恩方渥魚軒罷可驚歸來李令伯江樹正秋聲

別南刑部黎克芳蔡汝聘二首時淮陽方有寇警
矯矯雙黃鵠南飛刷羽儀關山衝暑雨淮海傍鯨鯢
薄身應健時危別轉悲懸知匡嶽度幽夢鎮相隨

二

四海朋簪合兩君交誼殊貫星南共北征棹楚連吳
叙齒皆為弟同心已喪吾但看明月共莫漫怨驪駒

早春送蕭天寵之官萊蕪二首以舊同石蓮洞之

遊

復作他鄉別，深悲故侶稀。
愁先江草合，望斷嶽雲飛。
世路憑呼馬，官曹當食豨。
知君兼吏隱，且莫賦初衣。

二

古邑鄰東岱，三峯更接連。
去看民似鹿，轉見吏為僊。
念我淹金馬，因君想石蓮。
鄉心將別淚，併入酒杯傳。

送鄒二下第南還

憐君復不第，歸去大江濱。
抱劍從茲往，雕龍竟莫陳。
帆依彭蠡鴈，裘滿薊門塵。
定遇匡山侶，多應問遠人。

送周經歷

空有連城壁當年竟莫售一官聊佐郡遙去越江頭霜
重淹行騎塵昏辨故裘閭門如過棹莫更問吳鉤

何封君社中二首即何振卿父也

詎識山中相言從帝里過花間九老宴醉裏八仙歌大
隱忘朝市清時狎爵羅為傳匡世畧愛子在鑾坡

二

上國開三逕燕歌異四愁支頤觀紫陌適意度青牛春

院星恒聚秋臺月共酬莫須尋閬苑茲地勝崑丘

吳郎中出守福州

五馬似龍驤銅符發建章春陽隨蓋遠雪月蕩旌光
首郡雄蠻國千峯接海防吳公政第一應為繼遐芳

人日立春喜雪和胡子文太史

人日春兼至天葩曉正飄禁扉同貼勝溫樹不封條
萬國瑤圖啟三時帝澤饒佇將多富壽歌舞頌神堯

大朝門同午樓復建百官朝賀二首

井幹復天都門成接斗樞螭蟠銜瑞榜鳳繞夾金鋪巽
命承中禁離光照八區萬方何以慶擬上泰階符

二

軒閣看儀鳳堯階俯濯龍宸聰從此達獵疏擬誰封燎
火光雲漢珂聲接曙鐘定應門下省承問獨從容

同署范郎中出守淮陽二首

華省正鳴鶯青門別思縈曉來五馬去春逐百花行古
郡依東海危樓控兩京南邦愁帶甲到日有長城

二

聯珮鳴青瑣同曹佳白雲欲成花下醉其若席前分鷁
首瞻河曲龍光逼海氛預愁熊軾遠鏡吹鎮相聞

況吉夫督學貴州

紫屈切文昌蘭芬天上郎新辭振鷺侶去近碧雞鄉劍
珮穿蠻部文章被鬼方何妨輕萬里冠已著神羊

重別吉夫

爛漫黃花日難禁遠別情黔中希鴈到徼外劇猿鳴絕

獻捫天上飛梁並鳥行不因文教重何自遣朝英

詠吉夫藥湖別業二首

聞道湖中勝夫君宿所期涵天為泛宅浴日學咸池
鮫室幽相逼蓬山浸欲移年今瞻太液激灩起遙思

二

輞水開南垞濠梁得上游魚吹聞枕畔荷氣到床頭
嶼覆長生草波回不繫舟蛟龍今作雨曾是昔潛虬

魏黃門冊封汴藩便歸省覲二首

金簡出天宮分封節使雄馬乘照夜白袍著鬱輪紅嵩
嶽瑤幡駐龍沙鷁舫通還瞻雙白髮西母並東公

二

共羨朝陽翼東飛別帝廬到家仙作隊銜命玉為書錦
被應裁扇蟠桃不羨魚花缸春爛漫讌樂復何如

郊外別振卿

初歲韶光潤離筵落日催可憐燕市月遙挂嶺頭梅滄
海看鵬運潁川訝鳳來還令羣島國朝漢有高臺

贈別

作尉明州去寒風春正初
玉隄楊柳細折贈渺愁予
邑里連鯨海干戈劇羽書
如逢天北鴈祇寄釜中魚

贈李太史承命奉二親歸豐城兼訊胡侍讀二首
身將雙白髮遙返斗南隈
寶饌分神鼎宮衣出上台
堯階移舞去漢殿謁歸來
堂上稱觴日還思獻壽杯

二

苑草半芊綿隄花開欲然
獨憐供奉客遙理孝廉船
別

緒縈千里交情記十年豐江雙寶劍暫去幾時旋

每日省退歸舍馬上見西山

淹留何所貪開戶面青嵐夏取峯雲懌冬宜樹雪諧三
茅仍在望五老亦長叅日日歸鞍上如同故侶談

卧病省署同鄉繼甫作八首

氣回丹鳳闕春入爽鳩司曲巷文槐影長廊掛柳絲才
迂欣散局地僻得冲規更有談天衍知音勝子期

隱吏非慵吏官廬當草廬鶯聲流枕席竹影泛巾裾
竟日幽憂病經年擁腫居欲尋芳杜去未敢即題書

三

接櫓經旬廢亭疑晝亦稀劇談松月出習靜鳥聲微
揚子玄為白蒙莊是亦非惟餘懷土念長在北山薇

四

掩閣烏同寂升堂鶴共遲亂花封印篋飛鳥掣文移
公事癡能了陰符懶未窺散衙饒暇日春院綠陰滋

五

休沐仍居府閒情日上樓未能過軸隱聊作逍遙遊省
內開三逕窻中瞰九州迴看林竄合可以當冥搜

六

偶挂烏紗帽悠然脩竹林却看青玉署寧異白雲岑雪
後生新籜風前裊素馨自非此君意誰明大隱心

七

脾病宜蔬食曲肱良在茲盆魚相吻沫砌草恣歲甦坐

接青雲侶閒傾白雪詞莫須懷禁近隨處是恩私

八

韶齡期學道老去尚迷陽日恐童心減年驚旅鬢蒼欲
歸匡嶽去重使故交傷未寤人間世何由應帝王

春夜袁沔陽枉尋水塘菴下榻談禪有獨往之興
別後戲作却寄留之

叅侍給孤園飯依得世尊雙林一以寂半偈兩無言慧
劍宜剗象禪枝足叩闍達人無不可莫羨隱空門

春夜過銀錠橋在禁城外北海子

都城佳麗地春夜喜重經
巨浸通銀漢長橋挂碧汀
雲移千樹月冰圻半湖星
縹緲聞仙吹祈壇近苑亭

贈李二守

巖郡連燕甸官衙駐嶽雲
班應聯刺史人共仰神君
停騎春同到烹鮮日有聞
好令箕顙客鼓腹事耕耘

二

少小結交歡依稀各鬢殘
共客長安日翻悲會面難
中

年宦始達畏路夢相看故里吾將返岩巔望羽翰

贈兜率菴僧是僧曾隨太平周都峯給舍步訪關

西楊斛山侍御遂遊華山而歸

高迎泉灑落深踏石嚆嶢崖闢支為戶松顏卧竹橋女
蘿藏犬吠仙吹和鶯嬌靜者心能愜相看嘆鹿蕉

二

曾逐江東雋遙尋陝右賢聯翩登華嶽迢遞返衡巔口
絕波旬語心依智顗禪還應有秘要知欲為誰傳

予與鄒繼甫有歲晚鄰舍翁之約時予赴楚便省
過家見春流漫溢耒耜方興感思宿盟慨然增

懷

作客懷鄉并歸鄉憶友生以吾今日意知爾近年情四
澤春流溢千林野鳥鳴何由同抱犢齊上隴頭耕

初至武陵官舍續陳后岡先生作

支離隨浪跡官舍武陵開花近秦人洞雲依善卷臺薄
書銷日短接榴感心哀敷政宜春令幽篁亦趣栽

秋夜辰溪舟次對月懷萬思節憲長

沿洄行未定明月滿孤航輪亞雙峯正光涵一水涼遙知吳地共其奈楚山長寂寞沅江芷因誰發故芳

華容道中聞萬思節憲長以赴任延遲被言還陽羨

思君不可見良夜若為酬行認同游騎愁登並濟舟雲鴻今已遠矰繳更何求洒掃張公洞予將共卧遊

上封寺二首

紫蓋接芙蓉層巒歷上封穿雲迷後侶失路聽前鐘
世
界歸天眼烟花入性宗莫矜凌絕頂猶有最高峯

二

客有冷然興隨予躡紫烟狂歌希散聖宴坐見諸天
卧
榻依南斗齋厨注細泉但同無愛染那用禮金仙

別望之後追送二首

以我沈冥客親君澹蕩人相看若比翼遠別自沾巾
蕭
菊可憐色冥鴻欲避身才高休混俗且卧故園春

二

棘寺瞻雲切江洲
逐鴈遲遙知花爛漫
應對舞逶迤未
路唯存道貧交只寄詩
漢庭名已盛莫久戀陳陂

吳武選謁詩貽其封君二首

稼穡長為實詩書亦間操
自然真性在不為隱名高有
道忘屢市無機任桔槔
應笑天刑子撼撼為誰勞

二

掉頭不肯仕乃復掛金章
天語瑤華重皇恩奕世芳
紫

衣羣鹿豕烏帽照滄浪匡濟平生畧幾語尚書郎

過周平坡列十餘峯奇峭若笋林賦詩一首

連山陟未竟律翠見茲岑合作青蓮朶分為翠玉簪可
堪逢絕勝無暇恣登臨悵望青天暮道然寄此心

七月十三日夜坐月寄蒙山子

忽爾飛天鏡猶疑掛夕曛竹光侵案冷花氣入書氛中
年偏愛月游子劇瞻雲攬結難盈手那能持贈君

五言律詩六句

重贈念菴先生

羨觀青瑣客
早卧白雲壇
屋裏登巖易
床頭得月寬
為謝餐霞意
東山計恐難

衡廬精舍藏稿卷五

欽定四庫全書

衡廬精舍藏稿卷六

明 胡直 撰

七言律詩

越王臺懷古

陳帝壘高屯虎豹
越王臺賈築琉璃
壘邊暮脫黃金甲
臺上春傳白玉卮
禾黍幾年雲旆旖
鶯花三月樹離離
古今霸業空流水
日月江山有所思

春日覺山寺江亭

春樹花繁覆紫苔
春晴騎馬隔花來
不禁江漲千尋媚
正聽林鶯百轉迴
谷口人同玄豹卧
仙源興逐碧桃開
登臨未效東山屐
且向芳亭送野杯

秋日江郊讀書感懷簡楊虛卿羅良弼歐陽文朝

王尚涵

茅堂苔徑俯江灣
終歲幽棲斷往還
村雨雙鳩啼白社
林烟一犬吠青山
短衣最愛秋垂釣
長劍能堪暮倚闌

弱冠當年憐賈誼天門涕淚不知難

初春雪霽遊斌姥贈謝蕭晴川先生

有序

邑西南溪之里處士蕭晴川先生予姻家丈也春日
挈遊斌姥尋龍王洞登虎鼻峯訪陶皮之遺并相羊
踰日且曰昔碧山學士焚魚讀書吾欲子藏脩山陰
之古剎可乎予感其意未逮也因為紀遊兼謝雅誼
遂著之篇

危巖仙閣臨霄靄絕壁丹梯躡晚霞雪霽千峯回黛色

春還萬樹落花坐看北斗依南斗行踏金華指玉華
願假慈光分半席應將文史載三車

送胡仰齋工曹北上工曹舊給諫以言事左遷十
年今召還

赤旌悵望在樓船翠蓋留連向綺筵催柳暖風薰別帳
喚花嬌鳥雜離絃一尊且酌東山月十載還瞻北極天
明到金門尋舊侶幾人猶是禁中仙

擬訪座主王吉水明府阻漲懷寄

江城索寞抱春愁江草芊綿獨倚樓
積雨正淹徐穉耒停雲空望李膺舟
黃鶯選樹枝枝濕碧藻翻泥岸岸流
淺薄自知非賈誼吳公門下負相求

春日歐陽曰守赴試京聞有司以官舟送

江光草色曉烟縈才子乘春謁帝京
鷁舫行隨歸塞鴈驪歌聲雜轉花鶯
天邊此去應題籍闕下何人共請纓
山國故交長卧病瑤華莫厭寄柴荆

龍洲書屋題贈康東沔先生兼簡伯子而正二首

珠浦澄波淨遠天龍洲玉樹澹林烟亭依壘翠初疑畫
人出深蘿半似仙鷗鷖羣穿銀浪浴芙蓉盡帶錦霞鮮
可憐中有詞人屋烏雉書聲度渚蓮

二

洞中丘壑霧陰陰樹裏池臺日月深竹翠俯連青玉案
荷風輕弄紫瓊琴並行木杪花交面散坐亭臯葉滿襟
雅興林泉君不淺月高猶共踏江浔

龍州書齋新霽客至

芳洲綺樹接江城曲巷回軒霧細生弱柳窻中銜宿雨
遊絲水面帶新晴林花點草粗成字山鳥呼朋自有名
卧病一春蘿逕滿君來時復掃榛荆

石蓮洞雪霽

年來洞壑即吾廬怪木幽藤共索居懶學子雲答客難
直題叔夜絕交書千尋翠壁寒禽下三逕松林大士鋤
不向巖頭看雪霽野人那記歲將除

贈蕭孝子思齊

我愛城西蕭孝子引刀割股對青天朝昏涕淚眼雙赤
風雨廬墓榻獨眠古道久違荆棘路百年誰頌蓼莪篇
中流健爾孤根樹旌寵幾時來日邊

贈曾都諫

韶齡已抱平戎策盛世長飛諫獵書豹尾久從仙作侶
龍顏親奉玉為廬邊庭老卒知名姓天上耆英記起居
豈為才猷凌絳灌蚤令經濟落樵漁

答周上舍

冠裳太學且歸來歲月螺溪舊釣臺蚤向江東稱竹箭
佇看天上跨龍媒堂邊古木巢高鶴戶內寒流洗落梅
共道周顒非俗客移文應不勒山隈

山中懷寄康明府龍洲

龍洲近隔碧山隅洲水澄江似鏡湖漢水丈人提甕好
漆園叅吏著經無池邊古逕門因竹松裏行厨飯是蔬
若倚寒梅啗白雪好憑來鴈寄玄珠

下第登太白樓

李白騎鯨天上去獨留飛閣切昭回百代光陰悲過客
五陵烟月憶仙才簷前岱嶽連海牕裏中原入楚臺
鴟觀龍宮回首盡浮雲休擬日邊來

昭陽對雪口號示李生

雲橫海嶠接天黃坐看飛花積素光地變方壺珠作樹
身疑玄圃玉為堂那誇絕調驚三楚為卜豐年入萬箱
綺閣郎君休訝冷鐵衣都護在沙場

久客昭陽懷寄李石麓殿撰二首

海上羈棲歸未曾嚴冬冰雪劇峻嶒三江去楫誰相禁
五老仙人祇見憎旅館端居成淨土鄉書絕寄似行僧
更堪回首青冥上迢遞龍門憶李膺

二

天上逍遙紫禁廬海邊唵望去鴻疎曾聞三殿開紅仗
劇想千門迓綵輿起草應同東觀侶齋心好似曲山居
明時次第為霖雨不羨周南太史書

元夜西苑燈山

代歐陽先生應制

春回元夜敞芳筵萬炬千燈北斗懸闕下神龜當四極
苑邊列宿麗高天光催五嶽三山曙瑞作瓊芝寶樹鮮
不是競遊花月好漢宮祠祀重祈年

西苑恭覲三楊學士錫遊之處擬作二首

天遊秘苑勝蓬瀛休氣榮光接禁庭綺樹千行承黼幄
瓊峯四繞疊金城攀龍自馴雙頭鹿雜鳳遙聞百轉鶯
傳道賡歌三相國錫遊那數漢昆明

樂樂寶殿臨瑤水簇簇璇臺漾碧漪花映綺疏天上出
柳搖金堞鏡中移當軒松偃蒼虬蓋夾岸筠翻翠鳳旗
借問吹笙還宴鎬幾人欣奉萬年卮

贈楊憲長二首

關西家世更誰過江左風流近若何
豸繡行經天下半霜旌晚在蜀中多
詩篇老去追元亮襖事歸來學永和
自是山中多相業不妨門外更施羅

二

已看去國身如葉却為憂時鬢盡絲家近華陽傳玉珮
步從角里訪瓊芝樓前水碧魚吹靜席上山青鳥過遲
為問玄經曾草就肯令載酒共探奇

陪大司成尹洞山先生遊三茅山觀池中小龍和
作并以為別二首

金門僊客歸天上却度華陽訪紫清一望車箱連太乙
迴看洞壑接滄瀛題詩丹壁雲為墨把酒琳宮鳥獻笙
此去台垣陪紫極空餘吟眺獨含情

二

千峯迴合有三峯一逕斜懸出萬松巖石巧如迎笑語
泉流曲似引行蹤烟霞暫作山中相風雨來觀洞裏龍
莫擬東山足嘯傲鸞旂早晚待臨雍

飲曹氏園

名園芳宴款春宵苔逕蘿溪度石橋日麗千花明水院
天晴萬竹上烟霄烏衣舊巷今誰問丹洞仙君早見招
江左風光長不負卑栖那復嘆鵬鷁

興化沈山人逃羈子舊別淮海近十年春杪忽走
京師訪今學士李公方欣款邁遽復言別作贈
之

客中相見倍相憐憶別那堪又別筵
逃世已甘玄尚白還家應笑白為玄
短帆淮水飛鴻外長缺燕臺落日邊
最是李膺留未得因知郭泰勝登仙

湖上幽居為淮海沈山人賦

德勝湖邊靜者居幾年高卧著玄書
花間放艇通溟海

竹裏開畦引碧渠已識乾坤為泛梗細看鵬鷃總拘虛
非熊定作磻溪老皓首那能只為魚

詠董原漢鑿白雲樓東西二牖和高李二君二首
登高忽似出籠樊坐看千山繞禁垣溟海東來通太液
崑崙西控引中原且從嘯月留官閣耐可披雲叫帝閭
詞客有懷能作賦不同王粲憶鄉園

二

金門病客慚真隱粉署高樓得並娛正與白雲同偃仰

不妨明月坐跏趺
窻中野雀間相聚
席上山峯暝欲無
共道樓居生逸思
擬將官舍等蓬壺

送樓兵備入蜀

建節朝辭出五雲
離亭落葉滿晴曛
樓船直泛芙蓉水
寶劍行當虎豹羣
三峽迴旌連鴈度
兩川吹角雜猿聞
懸知緩帶西南靜
司馬無煩諭蜀文

陪祀天壽山

皇家陵墓俯郊圻
壁殿瑤宮啟翠微
夾道峯迴瞻鳳翥

當階雲起憶龍飛
山腰燈火連珠斗
樹杪香烟散羽旂
委佩松陰零露濕
共攀弓劍欲沾衣

朝謁長陵同宋望之侍御作

長陵丹闕倚蒼蒼
蔥萬柏分行輦路通
山出恒宗來王氣
水連瀛海扈靈宮
瑤階羽衛晴天外
玉殿罽毼宿霧中
却看羣峯如躍馬
還疑萬騎獵秋風

唐荆川先生視師海上奉贈二首

翩翩瑤節下烟霄
歲晏關河朔氣饒
兵法久傳黃石畧

使旌遙指赤城標雪中鯨海銷氛侵春後鮫宮貢薄綃
薊北越南均報主勛名那羨漢嫖姚

二

軍師強起白雲扉海上還知卧翠微日護貔貅仍習靜
營開魚鳥試忘機絲綸早已推黃閣去住身看著白衣
行過荆溪棲隱處莫因蘿薜繫驂騑

餞別余午渠憲副之閩川

芳郊寶刹傍金臺黃鳥關關碧樹隈花下熊轡千騎出

日邊豈繡五雲開
共憐粉署論交地
不盡青春送遠杯
傳道幔亭連九曲
登高想見大夫才

秋夜郢中高比部席懷令弟民部同李尚寶況膳

部張職方鄒比部梁中翰得何字

新秋雨歇淨庭柯
憶別其如明月何
客舍幾迴瞻玉樹
仙槎好似泛銀河
當筵草色寒仍綠
近塞鴻聲夜轉多
莫道難兄懷不極
天邊長賦郢中歌

秋日諸君枉集望西山得新字

節物秋驚落木頻
天涯冠蓋笑相親
開軒列嶂嶙峋出
卷幔流霞合沓新
醉裏金門堪避世
望中巖桂正宜人
不嫌擊筑延歡賞
歸路遲看月滿墀

送王驚泉侍御之南臺

四門博士有聲名
繡斧俄看別帝京
舊闕還瞻雙鳳出
新秋遙見一鷹橫
籬邊叢菊當筵發
天際長江帶月明
南過鄉關應計日
須知攬轡在澄清

同諸君攜咀別何振卿得翩字

省中長和白雲篇物外招邀兩騎聯忽聽驪歌悲舊社
不堪烟景入新年和風柳變鶯初合積雪庭空月正圓
此夜相看須酩酊朝來五馬去翩翩

寄王陽岡都諫蜀中

夕郎南竄已經年更道西移萬里天巫峽峯巒疑仗過
錦江鴛鴦憶班聯愁中幾夢燕臺月醉裏翻悲蜀國絃
遷客好同龍卧日還將梁甫續遺篇

春日昆盧閣同張侍讀張廷尉二公得文字

旃檀曉閣氣氤氳鸚鵡林開貝葉文近接金莖承惠露
平依玉闕捧晴雲西山障塞千重出南紀關河一望分
別有客愁無斷滅寥天欲叩恐難聞

龍兵馬判真定

金吾執戟羨中朝半刺今看佐郡遙別意已傾燕市月
交情猶記廣陵潮御溝垂柳牽離席候館啼鶯伴去輶
共道傷痍彌海宇那堪三輔轉蕭條

承命楚臬過淮陰驛逢萬壽節遙祝志感

千旄遙夜駐郵亭萬壽嵩呼儼禁庭
幾載金門藏姓字一身湖海信飄零
徘徊暗憶南端月咫尺還瞻北極星
淺薄自知違報主擬將吾道付滄溟

穆陵道上懷姜廷善林邦陽王少潛三兄

炎日相看去北燕秋風忽到穆陵天
藍輿曉度千峯月松閣遙聽萬壑泉
不用吹簫驚鹿豕試看衣袖滿雲烟
自憐行役生佳況回首西南却惘然

辛酉仲春抵楚城初渡漢陽感恩舊游因記所懷

去歲尋春傍玉隄今年遙在楚江西城隅攬轡花相引
漢口移舟柳欲迷逝水定從廬屋繞嬌鶯一似省聞啼
神京故里人俱遠悵望晴霄月滿谿

傳報廣寇刦予邑之西南燔殺慘甚羅文莊公舊
宅劉兩江先生舍皆為烟燼為之掩涕

傳聞烽火照青螺舊國其如戰伐何四海盡看悲劍戟
三江無處慎風波鄴侯書架空飛焰陶令家園遍荷戈
掩涕不能重借問洗兵誰為挽天河

同萬思節藩叅各乘小艇泛巨浪取疾赴景府之

役奉和一首

朝隨疲馬赴嚴程暮逐輕舸不載旌一望漁磯慚釣侶
共乘烟浪笑浮生鳳凰山近難移舸鸚鵡洲迴且聽鶯
鞅掌自憐頭欲白同官獨喜得同聲

蒲圻道上覩疊嶂長松率爾會心遲吳霽震藩叅
共賞抵暮不至留詩一首

冥冥青嶂列烟霄落落長松夾路饒行部正聯雙騎好

懷人莫聽早鶯嬌
驛邊坐對梅花淨
天外迴瞻鴈影遙
不得當筵傳白雪
空令待月自相邀

九峯寺中飯

朝朝行役度巖岫
中飯長依野水濱
路出九峯連杳靄
溪穿千樹失風塵
征袍盡帶烟霞色
官騎時參鹿豕鄰
只為舍人還避煬
白鷗休道不相嗔

京口逢繼甫出示登太嶽詩奉和一首

郢路何期得再逢
旌旄遙自太和宮
閒襟已出雲霄上

作賦還爭嶽瀆雄塵裏停車分石髓雪中移席傍花叢
追隨欲踏岫嶁月其奈明朝又轉蓬

自大荆驛山中至湘陰度林子口時因暴雨停驂
田父家又暮夜傳言有虎

朝游七澤暮三湘把炬傳餐夜未央世路不須防虎穴
客心終是倦羊腸暫投茅屋雲相伴側聽楓江雨欲狂
詎是停驂能問俗祇令道路嘆劬勩

晚宿嶽廟官舍同周生乘月坐松陰下

翠朋晚憩青霞館躡屨先登赤帝祠宿霧濛濛常作雨
清泉裊裊自成池林間月霽移松影巖畔春深長桂枝
自幸向平婚嫁早與君唯有白雲期

至嶽廟次日風雨大作因為晴禱詰朝果霽聊書

志喜

愁見淫霖結暗氛中宵遙禮祝融君朝曦忽送千峯出
宿漲奔依萬壑分渺渺塵途那計日飄飄雅志已凌雲
捫蘿直到晴霄上金簡先披大禹文

午登祝融峯四面忽起白霧濛不辨下上予趺坐
石上嗒然與之俱忘

祝融吐霧晝漫漫趺坐中天白壁壇混沌未經七日鑿
妙圓那用九年觀元夷使者金書迴南嶽夫人玉液寒
從此仙遊非世侶便應巖下掛塵冠

觀音巖僧圓寧樓上中飯賦贈圓寧為高僧楚石
門徒

上人崖畔做靈宮戒律曾聞事遠公招客只供羅漢菜

翻經時引大王風飛泉出石成甘露猛虎叅堂學小空
來此不緣求勝果將因結屋傍岩東

同周生宿南臺寺

池邊旋轉暮同登樹杪逢迎見一僧信宿每從禪室慣
清齋寧與世情仍中宵風靜聞天籟虛谷雲開散佛燈
共道石頭傳法盛空餘巖壑掛高藤

九灣坡已躡絕頂其上又有峯如屏

千盤磴道躡層巔縹緲還驚碧嶂懸豈有羽翰生白日

翻憐車轂上青天雲深歧路曾迷聖地遠村醪正渴賢
此地從來添素髮頃令身世欲長捐

予以癸亥夏至雅之官舍雅素稱多雨四山陰靄
鮮見皎日初秋稍霽夜月倍明不覺躍然如晤
交時亭中牆竹砌花頗茂有會於心為之賦詩

一首

長途且喜趨官舍病客渾忘歷瘴鄉入座水聲連枕席
遶堂山色晃衣裳青青竹映桁楊冷片片花薰簿牒香

隱吏只嫌明月少今逢皓彩若為狂

初秋登雅州三峯閣同李六臺和韻

客心已逐大江東且向江樓坐遠空雲澹千峯歸盡底
日高百鳥散林叢登臨轉益烟霞癖潦倒那思管葛功
家傍匡山何處是秋風回首夕陽中

余錦衣奉命鶴鳴山建

金書萬里護豐隆絳節三山職事雄方嶽已承虞舜典
仙源遙問廣成風鶴鳴雲際占靈境龍御天齊坐法宮

擊壤別看歌萬壽應知夷夏盡呼嵩

九日三峯閣和李六臺二首

重陽登閣當登臺絕國風烟短鬢催檻外江濤連雨急
尊前山翠接天來吾衰已謝周公夢客賦無慚李白才
若使柴桑歸更晚荒蕪寧有菊花開

二

秋江水碧浸芙蓉佳節憑高旅思濃浹月雨霏迷九日
中天雲破露三峯思歸只合隨飛鳥濟世還應起卧龍

頭有黃花能醉客直將烏帽掛高松

新秋對月有懷王歐及鄒耿諸子

新秋客夜坐虛堂院栢亭筠釀早涼西徼自無鴻鴈到
東山已過薜蘿芳銀河影掛千峯淨碧月光連一水長
此夜不禁思萬里吳天楚澤共微茫

霧中山曉霽登頂其上有飛霞峯明月池

曉陟山巔霽色縈碧雲踏破紫雲生應憐石髓勞仙餉
共看曇花隱鹿行峯出飛霞真作護水流明月足為盟

滕蘭一去無消息倦客從誰問化城

名山道中逢伍魚山年兄奉延紫府飛霞洞和韻

為別

別離長憶帝京春邂逅相看各愴神
絕域論心鄉語合中年作客故交親
扳留喜就烟霞洞歸去應為水竹鄰
南往北來同燕鴈前程莫不寄雙鱗

飛霞閣追陪陳蒙山和韻因懷廬阜

瑤草空階秋自青碧霞飛閣帶昏星
仙關已覺無塵想

澤畔應知有獨醒坐久溪山唯落葉醉來天地一浮萍
相逢等是烟蘿境斷望還思九疊屏

陳蒙山官舍後新創小樓題曰瞻峨且云是東望
之意也予為書之而識以詩

仙人早自好樓居縹緲俄驚百尺餘高揖羣峯當戶出
靜看脩竹隔簾疎圖書曉映流霞外尊俎秋臨落月初
共道主人心獨遠峨眉東望接匡廬

甲子冬赴松潘過賓圖山歷明月關俱有羅雨華

題蹟時聞兩華以貴陽憲長歸矣懷望賦此

竇圖山外隔仙蹤
明月關頭路幾重
遙憶故人思故國
且從高躅躡高峯
千尋飛棧天為盡
萬折危巒鳥不逢
獨羨陶潛歸去早
一尊何處撫孤松

過風洞嶺望雪山兼聞魏南臺使君開府諸蕃服
屬邊烽始靜感懷書此預簡南臺

雪山雪自開天積
風洞風如捲地迴
絕徼盡看無草木
曉關且喜絕烽埃
應同列子冷然至
不似王猷脩爾回

共道諸蕃前負弩年來朝漢有高臺

嘉州凌雲山寺覽蒙山憲副題刻和韻懷寄

江頭巖壑翠參差洞裏乾坤日月遲
三水烟濤天際渺九峯春樹霧中疑
青幃正帶曇花捲斑鬚羞同石髮垂
坐看皇人僊室邇思君那共采金芝

登烏尤山在江水中相傳龍所開有郭璞註爾

雅臺

清江幻出紫欽岑傳道龍開歲月深
孤標遠與金焦並

靜室長含霧雨陰朝逐巖雲來洞口晚留僧飯返叢林
爾雅臺空那復問碧潭流水契無心

坐雙飛橋寺僧出孫思邈丹竈藥爐制甚古留詩
一首贈謝楚山上人

朝出叢林入洞天捫蘿越午到巖巔千峯合作蓮花藏
雙水高連玉液泉悟後丹砂俱幻法行邊脩竹契真詮
闍黎不用重留偈小坐崖亭意已傳

是夜宿白水寺相傳冬春積雪封山諸獸皆遠伏

及春深鹿開山人始行

春深傳道鹿開山，獨往飄然歷九關。
齋閣只同雲坐卧，祇林唯趁鳥飛還。
豈無散聖游方外，信有諸天異世間。
欲夢周公吾老矣，楚狂遺跡似堪攀。

過雷洞坪自坪上有八十四盤險絕

冰巖霧谷竊無端，飛鳥真看絕羽翰。
五夜雷轟僧自定，萬年雪積鼠長食。
青羊已度三千界，白象寧憂八十盤。
衰病欲從顏闔老，無如此地淨開壇。

至光相寺是為絕嶺

七天歷盡到天都獨立飄飄萬仞孤
世外身心雙寂寞
光中樓閣總虛無崑崙西出堪為侶
江海東流見一盂
莫道神燈俱是幻好從名利照迷途

自峨眉還眉州陳蒙山丈從錦城以詩訊問登山
辭甚清妙依韻酬答

名山幾句望中登御氣乘風恨未能
春日偶然成獨往
閣浮從此不堪憑眼觀大地原非相
身到寥天別有燈

為問浣花溪上客幾時還得共騫騰

閱山圖擬卜隱適有學憲新命陳子知予之不能
遽釋也以詩見嘲作此解之

買山為傍百花潭野水脩篁似鬱藍飛夢幾迴歸谷口
閱圖終日憶江南舊疴自信三宜黜新命其如七不堪
為謝羊裘終莫負秋風鱸膾定抽簪

送喻兵憲歸南昌

美人東去望迢迢天際冥鴻不可招世路親經九折坂

勛名重見七擒橋
西山藥室依丹桂
南浦雲帆掛碧霄
只恐金屏名姓在
豈應玄髮老漁樵

甲戌春小葺衡廬精舍二首

舍紱歸來歲又除
依然谷口舊名愚
門前雙鷺疑相引
坐上千峯畫不如
阿堵只藏徐穉耒
匡床時檢伏羲書
為嫌故社猶喧聒
更向深山賦卜居

二

衡廬南北地相交
結搆逢春剪白茅
甫里先生聊作伴

華巔胡老自成嘲園荒擬種千桃樹閣小平依萬竹梢
白鹿朱陵隨所往遲看野鶴不須巢

西粵舊寮三四君皆一時名士偶因便風裁述昔

遊

萍聚當年三四君粵山迴首賦停雲戈船夜共離江度
銅柱朝看漢代勛洞窈追遊天外出桂香把酒月中聞
相思半為交情稔更數名材世不羣

贈郭柏岡太守

太守華堂開北郭
玄冬綺席照南辰
無心再憶童騎竹
有道誰憐雨折巾
江上鱸蓴應好在
簾前蘭茝自長春
更看種柏還同老
雙鬢何妨總似銀

冬日毛右軍自螺川枉訪精舍賦贈并寄訊耿符
臺

忽承榮戟駐江濱
入坐飄然意不羣
談宗絕似先司馬
草聖還追晉右軍
野外淹留唯餐菊
山中投贈倚停雲
還朝為報符臺客
種樹年來當策勲

曾二潭郡伯曾魯原中丞見和精舍小作疊韻為
謝

新卜未能歸五老故遊空復憶三茅却憐皓首初辭祿
豈為玄經作解嘲螺浦春迴芳草色武峯雲接舊松梢
南溟九萬須公等莫訝槍榆獨徙巢

雪中龍澄源節推枉過精舍

乍覩瓊花入座飛起看玉樹映山扉白頭索共牆梅笑
青眼欣瞻羽節歸松下何辭穿敝履江邊誰伴坐漁磯

高風詎數王猷興仙棹親勞到剡溪

茶泉廷尉新第成賦贈

幾年弭節謝金閨新卜江成傍故隄廷尉高門應不忝
輞川佳致並誰題堂開卷畫雲長潤逕轉迴闌月欲迷
莫道主人今白髮才名早冠大江西

題茶泉廷尉雲舫樓

參差華館接平蕪縹緲飛樓引鏡湖絕勝雲中行畫舫
還疑海上出蓬壺臨南斗天無際幔捲東林鳥並呼

珠樹即看春爛漫不妨高論擬潛夫

奉答大司空鎮山朱公致政還家二首

幾人師保冠羣公更覩河渠繼禹功
此日情傾三徑客向來才敵萬夫雄
五雲繞映宮袍色綠野春連玉樹叢
莫羨東山能著屐虞廷還憶舊司空

二

天邊劍履賜歸來江上絲綸亦快哉
世路久諧同蕉鹿家園真賞勝蓬萊
芳尊幾共求羊醉佳句還追燕許才

出谷春鶯聲正好肯容乘月放舟回

中秋日同楊仁叔遊武姥登禮斗壇坐月聞桂香
經時卧病掩柴關佳節還登禮斗壇落木遙通江月白
高巖細瀉石泉寒身閒麋鹿真為侶髮短雲霞已製冠
坐愛天香移永夜年年來共醉中看

六十生日避客姥懷有訓

虎鼻峯頭獨振衣龍王洞口御風歸正慚伯玉能知化
曾共壺丘學杜機山靜絕聞羣雀噪天高遙見一鴻飛

澄江回首真如練
悵憶玄暉倚石扉

戊寅冬再至石蓮洞

余別石蓮十有六年去先生之逝亦十五年是冬負
篋躡履為久住計所慚慨非一端也久以沈病不欲
多言重感歲月聊題數韻

石蓮夫子去無還邈矣何人更叩關
久別林巒知竦誚
重来松竹似開顏
泰山頽後吾安仰
威鳳翔時世莫攀
姑射重傷冰雪竊
獨看明月滿高巖

洞中雪後聞虎

青巖為屋石為扉
雨雪三冬客未歸
一卧洞天傳辟穀
獨留虎穴學忘機
石中慈竹娟娟淨
草裏香泉細細飛
文史自憐吾未得
雲山隨處有皈依

秋日田間

今歲春田大半非
秋田猶喜豆苗肥
歡同禽鳥呼朋出
行趁漁樵共路歸
木落似延山入座
霜寒曾製薜為衣
農家濁酒堪忘世
不為長生始息機

仲冬尹鳳湖參軍過顧留宿

殘冬那得似炎蒸
幕地寒飈雨欲騰
晚霽却看天似水
夜深還見月如冰
歡迎佳客留三徑
坐挹高談勝百朋
舉世交情金馬貴
如今風致幾人曾

辛巳春日泊舟神岡有懷見臺中丞因憶東坑之
聚乃挂言者之口為之永嘆

春風吹雨暗江城
東望停雲曉霽生
惆悵昔同玄豹隱
沿洄今聽早鶯鳴
石蓮衝暖花應麗
雪浪橫江月自明

誰道大鵬翔既遠猶煩羅爵重含情

楊乾叔新構其先君武東銀臺有作因追和之以

贈乾叔

師垣第宅國咸休奕奕銀臺世作求傑閣好藏先帝製
高堂曾共故人留蘭蓀九畹浮佳氣華武千峯擁上游
最是後賢能肯構闢西清白自悠悠

衡廬精舍藏稿卷六

欽定四庫全書

衡廬精舍藏稿卷七

明 胡直 撰

五言排律

秋日自海智寺歸家即事

高朋江寺合，浹月始歸來。
老屋唯餘壁，頽垣已作臺。
素書封積葉，階水露新苔。
荒圃蒿萊遍，柴門犬豕開。
餘橙霜後摘，稀菜雨中裁。
乞菊纔題簡，嘗茶一引杯。
自今幽

事愜秋色共悠哉

送李行人使琉球十韻

漢節層霄下周官絕國通金書頒玉篋麟錦錫龍宮到
海天為幃乘潮夜易曠吹鏡行碧落旌旆掛長虹兵謝
陳稜武辭看陸賈雄鯨鮫綃原入貢楫矢不求供天地同
垂曜華夷並祝嵩少年臨異域別緒共飛蓬自是龜鼉
國偏知造化功歸期麟閣畫名姓冠諸公

送樵員外請告還蜀

慢世緣多病為郎故守玄題書天竟許解纜雁先傳醉
別燕山月思悲蜀國絃猿啼巫峽路楓落錦江船臞茅
宜湔上誅茅記壘邊何心榮負弩詎說叩垂簾縱薄凌
雲賦還來頌得賢

萬通政承詔歸省十一韻

澤國標英譽天官振藻詞初參鴛鴦侶已踐鳳凰池錯
落連牛寶驃騰歷塊奇含香三署首題柱九重知寵錫
非常數雄飛自異資恭承丹鳳詔遠慰白雲思酒情麻

姑釀桃憐王母持遙知花漫爛應照舞逡巡康伯親能
訓黃香孝可移征麾出紫甸祖席怨青驪佇挹黃花露
台階見羽儀

同姜廷善鄒繼甫王少潛胡祁禮遊西山宿碧雲
香山二寺別後追作三十三韻

化嶺連西極香山翊上京三關增險阨九塞倚崢嶸
度崑崙邇襟開遼海橫飛神先鳥去挈侶遡泉行花密
紅中騎蘿深綠外輶妙高凌帝釋巨麗眇仙瀛八水開

功德三車邁路程龍宮日月迴驚苑殿堂閣亭俯多羅
樹垣圍善見城碑磬分陞級瓔珞掛簷楹睥睨黃金屑
果愚赤玉瑛法輪迴象寶梵鐸震鯨聲鹿子游相亞獅
王吼欲轟谷虛松韻遠園敞竹林瑩先帝留黃幄今皇
駐綵旌龍神爭護蹕天女下彈箏蓄德兼三昧觀風覽
八紘詎異遊姑射應同問廣成慈雲浮澌潤慧日鎮常
明自匪天遊豫那覘世太平賡歌前達蹟清賞此時情
均有林中好曾無身外櫻覺花悅淨性忍草慳幽貞古

剎登雞足高僧得馬鳴勝招青雀鳥法度白猿精盛夏
炎無暑中霄月正晴漱流不記處選洞更忘名靜窈同
忉利寒崖過國清眼空南膳部身倚西長庚吾道原無
外空門藉有醒天機自喪我真寂本無生回首塵寰客
何心火宅爭相攜歸省闈還為語朝英

中秋夜鄔使君邀登廣視堂後山翫月同舒少參

管都閫

佳節秋臨半英寮夜卜歡官堂登石壁客席挂林端皓

月依人至中天任意看豈期法署竊坐攬衆山寬江漢
浮杯杓軒裳集鳳鸞三星盞底出萬井膝邊攢香遞淮
山桂情傾楚澤蘭醉題鸚鵡賦倒著鶻雞冠爽氣占元
化清輝接廣寒露團光几紫葉落間盤餐北海尊猶滿
南樓興未闌那能羈世網耐可棄微官佳賞應難繼令
人憶考槃

五言絕句

同羅日表下第歸至寶應日表議別舟先行敘別

江岸酒樓

花院移舟近筑歌落盡遲談深征袖濕非是怨當時

王昭君五首

有序

自石季倫以後詠昭君者多矣唐宋人獨取白樂天
二絕句以其語有眷國懷土之忱讀之良然最後讀
郭代公詩乃知樂天有所祖郭詩云容顏日憔悴有
甚畫圖時又云始知君惠重更遣畫蛾眉斯其藹然
忠愛形言表矣今古蓋絕唱云友人歐陽曰守示余

和白之作余因尾作五章非將以追步逸響聊亦各
宣其所覩焉耳

冰雪凋蟬鬢風沙浣綺裳愁容無復理不為學新粧

二

淚作冰霜結愁添塞草翻斷腸那假寐有寐是歸魂

三

自向金微去幾度聞黃河妾心將妾淚點點逐東波

四

願作隨陽鳥秋風一度翔無恩承漢寵祇憶見君王

五

傳聞漢帝怒遣將靖邊氛安得從俘虜南隨霍冠軍

嘲夢四絕

儂別伊人去若個是相逢伊人別儂去若個道是儂

二

決絕復決絕不決當奈何愁令心血損望使鬢毛皤

三

夢有浮生相浮生即夢同浮生無用憶遮莫憶夢中

四

舊夢在何處新夢續相從舊空那可續新續總成空

卧雪東林寺延望天池感賦五絕

宿世天池客雲深世絕尋東舍匡仙館西家董奉林

二

一落何遲迴飈輪久莫馭悵望山頭雲徘徊山下路

三

層冰疊崔嵬凌凌不可度仙人代移文塵鞅吾當悟

四

寤寐香爐峯偃蹇東林寺朝飲虎溪水還共天池味

五

允矣當稅駕誅草傍巖竇入虎不亂羣巢鳥探其蔽

度鑽天坡感懷四絕

有序

自桃花鋪連陟峻嶺四十里至望州鋪約十五里至
蛇到退又上十五里至鬼見愁總之平地至此近六

十里峻若登天行者未能不損神也甫下山僅十里
上鑽天坡險如前然自古感詠者希豈其險絕不經
人行者耶

蛇鬼悲還怖梯天獨有人豈因徇斗祿臨危試此身

二

六合同一色二儀混莫分何處瞻親舍茫茫盡白雲

三

轅端凌太白馬首控青霄雅懷懷鷺鶴侶疑此得相邀

四

飛鳶看欲跼愁猿怯更嗟前峯影天半那隔故園心

白沙驛三絕

雲封疑絕逕崖瀑似懸河回望經行處千峯攢若戈

二

峭壁前相識層巒後復盤坡陀開一掌古驛挂飛湍

三

披席雲同卧盤餐霧共傾等是烟霞境清夢繞南衡

午日白沙驛阻漲感懷二首

佳節深山度禽聲破寂寥坐愛溪蒲綠那須漬酒瓢

二

柳暗滄洲路山迴螺浦津羣兒環白髮應憶遠遊人

予舍地名滄洲
統洲水名螺溪

七言絕句

庚戌之秋敵逼都城聞鴈有感二首

鴻鴈翩翩向海邊來從北薊自燕然有無天上催飛將

曾否山前縛左賢

二

我家匡山雲霞廬計程明日過山居
倉皇顧影遙懷侶
不次聞聲未勒書

贈從妹壻張可大歸泰和二首

髻齡獵藝擬飛纓紫缺青貂謁帝京
寶馬天邊來共羨

春官門下振芳聲

二

南歸正逐鴈南翔暫度金陵返豫章即看孤帆匡嶽遠
白雲遙指更迴腸

題松贈李明府二絕

翠巘臨流矗鏡中萬松倒挂碧龍從主人衣白辭山出
應采龍形獻帝宮

二

虬飛天矯樛枝勁蓋轉扶疎曲榦連但識棟隆能柱國
詎知霜雪幾經年

題況膳部扇景二絕

平湖如練浸寒山，耐可乘槎碧漢間。
幾載釣鼈今已就，絲綸那用羨漁竿。

二

舟迴林麓行猶繫，月出湖心碎却圓。
佳景當年遊不極，更勞飛夢到江天。

桃源行四首

斷隴橫岡蒼霧屯，停驂為問古桃源。
共言夜半傳飛檄，

正是當時花竹村

二

腐草樛殺架短槽傍床翁姥鬢髻髻
縱到漁郎莫款承

三

秦代衣冠何處誇
桃猶發晉時花
若論今日衣完肘
唯有桃川道士家

四

饑媪扶藜訴乞憐石壕悍吏索丁錢撞開籬落聲如豹
道是官家入覲年

過桃源洞再賦二首

桃川道士路焚香指點秦人古洞傍引入高巖泉灑灑
倒看石壑駕飛梁

二

北極宮前山似刀蘇黃渡口挂飛濤
攢壁絕深難到應有秦人別種桃

蒲圻道上寒帷忽覩疊嶂連霄酷類敝廬前山感

憶仲弟

共在天南水一鄉相看渺渺隔天長寒帷忽見青冥嶂
指點還思喚二郎

聞鴈憶兩舍弟

翩翩好作一行飛孤影憐余鬢欲稀每憶高堂春酒熟
夢中齊著老萊衣

過澧懷屈大夫

道可受兮不可傳虛以待之無為先江潭若肯從漁父
芳芷幽蘭應自妍

同蔡士備衝雨尋藥山古剎敘別二絕

松韻還同說偈時峯頭誰度笑聲遲
莫擬重經李習之

二

官程苦被白雲牽戴酒尋山敞別筵
風雨莫憐分手地衡廬已締住山緣

觀漲懷歐陽丈朝

自憐濟世本非才
鞅掌長依楚水隈
春到故園新漲滿
昔時蘭漿共誰回

夔府官舍夢王尚涵三首

故人天上跨龍媒
夜翩然入夢來
萬里愁聞夔子國
憐君遙度白鹽堆

二

少小交親白髮催
每從南國望金臺
故人不厭關山隔

清夢還期夜來

三

十二巫峯合省新為雲為雨竟誰真
青春卧穩啼猿夜不夢陽臺夢故人

聽鶯懷鄒繼甫二絕

鶯聲日日滿幽林宛轉長吟復短吟
不見昔時同聽客啼鶯空作昔時音

二

旭日高槐啼欲斷
午風深竹弄還長
莫言絕域如天外
猶有鶯聲似省廊

度鐵索橋

索橋宛似鵲填河
詰曉凌風躡屨過
始信當年蹈水客
只憑忠信出洪波

七天橋

七天泮沆接虛無
六合渾淪見一吾
度後已知吾喪我
不須象罔索玄珠

天仙橋

乘風飛度萬重雲親受皇人赤玉文為謝慙慙天上侶
先天已向語前聞

山頂晚霽

八萬山河一掌寬四天應合作迴闌獨憐到此誰為耦
坐共羲和倚日看

下至梅子坡大雨

非烟非霧爛銀光變作屯雲雨欲狂八部仙龍來頃刻

共留汗漫九天翔

蒙山丈從武陽驛放舟見憶春日同遊奉答二首
平羌江上放孤舟想見峨眉影素秋正是謫仙吟自好
那因相伴下渝洲

二

春日曾同聽棹謳青楊白舫共夷猶秋來依舊峨眉月
獨羨綸巾照白鷗

乙亥春日效長慶心身問答三首

金少隱集卷七
心問身

心問身云何宴然春晨啼鳥尚高眠饒君安逸君知否
不遂公車已一年


身答心

身答心云君莫誇君今住處我為家知君鈍拙家常累
不遣家安總是差

心復答身

憐君傀儡不能收專為抽牽豈自由多少抽人隨線斷

誰從未斷共君休



衡廬精舍藏稿卷七